

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՏԱԿԱՐԳ ԻՐԱՎԻՃԱԿՆԵՐԻ ՆԱԽԱՐԱՐ

Հ Ր Ա Մ Ա Ն

№ 23 - Լ

« 13 » 01 2020թ.

ք. Երևան

**ՓՐԿԱՐԱՐ ԾԱՌԱՅՈՒԹՅԱՆ ԿԱՌՈՒՑՎԱԾՔԱՅԻՆ ՓՈՓՈԽՈՒԹՅՈՒՆ
ԻՐԱԿԱՆԱՑՆԵԼՈՒ, ՓՐԿԱՐԱՐ ԾԱՌԱՅՈՒԹՅԱՆ ԿԱՆՈՆԱԴՐՈՒԹՅՈՒՆԸ
ՀԱՍՏԱՏԵԼՈՒ ԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՏԱԿԱՐԳ ԻՐԱՎԻՃԱԿՆԵՐԻ
ՆԱԽԱՐԱՐԻ 2018 ԹՎԱԿԱՆԻ ՕԳՈՍՏՈՍԻ 3-Ի N 892-Լ ԵՎ 2018 ԹՎԱԿԱՆԻ ՕԳՈՍՏՈՍԻ
14-Ի N 949-Լ ՀՐԱՄԱՆՆԵՐՆ ՈՒԺԸ ԿՈՐՑՐԱԾ ՃԱՆԱԶԵԼՈՒ ՄԱՍԻՆ**

Ղեկավարվելով «Պետական կառավարման համակարգի մարմինների մասին» Հայաստանի Հանրապետության օրենքի 7-րդ հոդվածի 11-րդ մասով, «Կառավարչական իրավահարաբերությունների կարգավորման մասին» Հայաստանի Հանրապետության օրենքի 9-րդ հոդվածի 1-ին մասի 1-ին և 2-րդ կետերով, 21-րդ հոդվածի 1-ին մասով, «Նորմատիվ իրավական ակտերի մասին» Հայաստանի Հանրապետության օրենքի 37-րդ հոդվածով և Հայաստանի Հանրապետության վարչապետի 2018 թվականի հունիսի 11-ի N 740-Լ որոշմամբ հաստատված Հայաստանի Հանրապետության արտակարգ իրավիճակների նախարարության կանոնադրության 18-րդ կետի 25-րդ ենթակետով՝

Հ Ր Ա Մ Ա Յ ՈՒ Մ Ե Մ

1. Փրկարար ծառայության կառուցվածքում կատարել հետևյալ կառուցվածքային փոփոխությունները՝

1) ստեղծել Բժշկական ապահովման վարչություն՝ որպես կենտրոնական ապարատի հիմնական մասնագիտական կառուցվածքային ստորաբաժանում.

2) ստեղծել Քաղաքացիական պաշտպանության և բնակչության պաշտպանության հարցերով կառավարման մարմինների, կազմակերպությունների գործունեության համակարգման բաժին՝ որպես կենտրոնական ապարատի հիմնական մասնագիտական կառուցվածքային ստորաբաժանում.

3) վերակազմակերպել Օպերատիվ կառավարման վարչությունը՝ Ծառայության կազմակերպման վարչությանը միացման ձևով:

2. Հաստատել Փրկարար ծառայության կանոնադրությունը՝ համաձայն հավելվածի:


3. Ուժը կորցրած ճանաչել՝

1) Հայաստանի Հանրապետության արտակարգ իրավիճակների նախարարի 2018 թվականի օգոստոսի 3-ի «Փրկարար ծառայության կանոնադրությունը հաստատելու մասին» N 892-Լ հրամանը:

2) Հայաստանի Հանրապետության արտակարգ իրավիճակների նախարարի 2018 թվականի օգոստոսի 14-ի «Փրկարար ծառայության գրասենյակի կանոնադրությունը հաստատելու մասին» N 949-Լ հրամանը:

4. Փրկարար ծառայության տնօրենին՝ սույն հրամանն ուժի մեջ մտնելուց հետո 10-օրյա ժամկետում օրենքով սահմանված կարգով ապահովել Փրկարար ծառայության կանոնադրության հաշվառումը իրավաբանական անձանց պետական գրանցում իրականացնող մարմնում:

13.01.2020

X 

ՖԵԼԻՔՍ ՅՈԼԱԿՅԱՆ

Подписано: TSOLAKYAN FELIKS 3701520046

Ֆ. ՅՈԼԱԿՅԱՆ